

# БІЛІКТІ МАМАНДАР ДАЙЫНДАУ – БАСТЫ МАҚСАТ

**М.Әуезов атындағы ОҚМУ-дың «Экономика және қаржы» факультеті 1992 жылы Қазақ химия-технологиялық институтының «Экономика, өндірісті ұйымдастыру және жоспарлау» кафедрасының негізінде құрылған. Факультет келесі оқу жылында өзінің 25 жылдық мерейтойын атап өткелі отыр.**

Бүгінгі таңда М.Әуезов атындағы ОҚМУ «Экономика және қаржы» факультетінің құрамында 7 кафедра жұмыс істейді: «Экономика», «Менеджмент және маркетинг», «Қаржы», «Есеп және аудит», «Экономикалық теория», «Бизнес және коммерцияландыру», «Халықаралық туризм және сервис».

Жоғары оқу орындарында экономикалық жоғары білімі бар мамандарды дайындау қазіргі заман талабы. Осы мақсатта факультетте нарық жағдайында сұранысқа ие келесі мамандықтар бойынша студенттерді жан-жақты дайындау жүзеге асырылуда:

5B050600 - «Экономика»;

5B050900 - «Қаржы»

Банк ісі мамандануы;

Салық және салық салу мамандануы;

5B050800 - «Есеп және аудит»;

5B050700 - «Менеджмент»;

5B051000 - «Мемлекеттік және жергілікті басқару»;

5B051100 - «Маркетинг»;

5B090200 - «Туризм»;

5B090400 - «Әлеуметтік-мәдени сервис».

Осы жоғарыда аталған мамандықтар бойынша білім алған студенттер университетті бітіргеннен кейін келесі қызметтер бойынша жұмыс істейтін болады. Атап айтсақ:

«5B050600 – Экономика» мамандығының түлектері «Экономика» мамандығы бойынша экономика және бизнес бакалавры академиялық дәрежесін алады. Осы мамандықты таңдаған түлектер болашақта ОҚО экономика және бюджеттік жоспарлау басқармасы; «Шымкент» ӘКК, «Шымкентқұс» АҚ, «Шымкентмай» АҚ, «Стандарт цемент» АҚ, «Кайнар» АҚ, «Базис құрылыс материалдары» ЖШС және кез келген мекемеде экономист болып қызмет атқарады.

«5B050900 – Қаржы» мамандығының түлектері қаржы бакалавры академиялық дәрежесін алады. Осы мамандықты таңдай отырып студенттер ұйымның банктер, сақтандыру компаниялары, қаржы және салық қызметі органдары, зейнетақы

қорлары, шағын несиелік ұйымдар, қор биржасы, инвестициялық компаниялар мен қорлар, түрлі меншік формасындағы кәсіпорындардың қаржы бөлімдерінде болашақта жұмыс істей алатын болады.

«5B050800 – Есеп және аудит» мамандығының түлектері есеп және аудит бакалавры академиялық дәрежесін алады. Осы мамандықты таңдай отырып студенттер әр түрлі меншік нысанындағы кәсіпорындар, өндірістік емес салалар мен ұйымдар, мемлекеттік басқарудың барлық деңгейлеріндегі мекемелер, қаржы органдары, ғылыми-зерттеу мекемелерінде жұмыс істейтін болады.

5B050700 «Менеджмент» мамандығының түлегі экономика және бизнес бакалавры академиялық дәрежесін алады. Өндірісті ұйымдастыру, маркетинг, қаржылық жоспарлау, басқарудың психологиялық аспектілері, компаниялардың дамуы бойынша мәселелерді кешенді және тізбекті түрде шеше алу қабілеті бұл мамандық түлектеріне сәтті мансап жасауға жәрдемдеседі. «Менеджмент» мамандығының түлегі алатын лауазымдар: менеджер, алуан түрлі фирмалардың, ұйымдардың, компаниялардың, соның ішінде банктердің жоспарлық-қаржылық бөлімінің (басқармасының) бастығы; жоба менеджері, жобалау бөлімінің бастығы; кризис-менеджер; тәуекелдіктерді басқару бойынша менеджер және т.б.

5B051000 «Мемлекеттік және жергілікті басқару» мамандығының түлектері экономика және бизнес бакалавры академиялық дәрежесін алады және конкурс бойынша мынадай лауазымдарға: әр түрлі мемлекеттік құрылымдарда (Президент Аппаратында, Премьер-министр канцеляриясында, Министрлер аппаратында, барлық деңгейлердегі Әкімшіліктерде) мемлекеттік қызметші; мемлекеттік кәсіпорындар мен ұлттық компанияларда менеджер, жоспарлық-қаржылық бөлімінің (басқарманың) бастығы болып тағайындала алады.

«5B051100 - «Маркетинг» мамандығының түлектері маркетинг бакалавры академиялық дәрежесін алады. Осы мамандықты таңдай отырып студенттер ұйымның маркетингтік қызметінің кешендік жоспарларын жасап шығаруға; нарық қызметін негіздеу бойынша ғылыми және зерттеушілік жұмыстарды өткізуге; алдағы кезеңдегі қоғамның өндірушілік күштерін орналастырылуын оңтайландыру тұжырымдамасын және жолдарын негіздеуге; өз жұмысында маркетингтік зерттеудің, PR-қызметтің шетелдік тәжірибесін пайдалануға үйренеді. Лауазымдар: маркетолог; бөлім (маркетинг) бастығы; маркетинг департаментінің бастығы; PR-менеджер.

«5B090200- Туризм» мамандығының түлектері туризм бакалавры академиялық дәрежесін алады. Осы мамандықты таңдай отырып студенттер мемлекеттік басқару органдардың мамандарын (министрліктер, әкімшіліктер, аймақтық бөлімшелер мен құрылымдар) туристік бизнеспен айналысатын жеке және мемлекеттік компаниялар, туристік бағыттағы консалтингтік компаниялар, оқу орындары, ғылыми-зерттеу ұйымдары, туристік кәсіпорындардың маркетингтік қызметтері, жарнама агенттіктерінде қызмет атқаратын болады.

5B090400 «Әлеуметтік-мәдени қызмет көрсету» мамандығының түлектері қызмет көрсету саласының бакалавры академиялық дәрежесін алады. Осы мамандықты таңдай отырып студенттер қонақүйдің сервистік бөлімшелері, туристік және спорттық кешендер, фирмалардың жетекшілері, сауда, қонақүй қызметтері, қоғамдық тамақтану орындары, жоғары оқу орындары, ғылыми зерттеу мекемелері, халыққа қызмет көрсететін жеке және мемлекеттік компаниялар, жарнама агенттіктері, қонақжайлық және туризм индустриясының кәсіпорындары мен ұйымдарында қызмет ететін болады.

Факультетте ғылыми-педагогикалық қызметпен 130 оқытушы, оның ішінде 7 ғылым докторы, 61 ғылым кандидаты, 62

магистр оқытушылар айналысады. Олардың арасында «ЖОО үздік оқытушысы» мемлекеттік грант иегерлері, АҚШ, Еуропа елдерінің ЖОО-да ғылыми тағлымдамадан өткен профессор-оқытушылар бар. 2004 жылдан бастап:

6M050600 - «Экономика»;

6M051100 - «Маркетинг»;

6M050700 - «Менеджмент»;

6M050900 - «Қаржы»;

6M050800 - «Есеп және аудит»;

6M090400-«Әлеуметтік-мәдени сервис»

мамандықтары бойынша магистратура ашылып, жұмыс жасауда.

Сонымен қатар факультетте 2014 жылдан бастап MBA - Іскер әкімшілік магистрі бойынша магистратура ашылды.

Сондай-ақ, 2010 жылы факультетте 6D050600 - «Экономика» мамандығы бойынша PhD докторантура ашылды.

Факультеттің профессор-оқытушыларының құрамымен жыл сайын 150-ден аса оқулық, оқу құралдары, электрондық оқулық әдістемелік нұсқаулар шығарылуда, оның 75%-ы мемлекеттік тілде.

Факультеттің негізгі мәселелерінің бірі студенттерге жоғары сапалы білім берумен қатар, оларды рухани-адамгершілік, азаматтық-патриоттық негізде тәрбиелеу болып табылады. Осы мақсатта көптеген іс-шаралар, атап айтсақ, «Жастар арасында құқық бұзшылықтың алдын-алу», «Мемлекеттік рәміздер – біздің мақтанышымыз»; «Діни экстремизм мен терроризмнің алдын алу», «Сүйікті елім - Қазақстаным»; «Қазақстан экономикасында индустриалды инновациялық процестерді қаржылық қамтамасыз ету», «15-қараша - Ұлттық валюта күні», «Үздік тәлімгер», «Тіл – ұлттық қазына», «Менің таза қалам», «Тәуелсіздік - тірегім», «Салауатты өмір - денсаулық кешілі», нашакорлық мәселелерін талқылау бойынша семинар, дөңгелек үстел, пікірсайыстар өткізіліп тұрады.

Ғ.А.ПАЗИЛОВ, факультет аға тәлімгері